



Kamis, 1 Desember 2022

Ogen: Daniel 7:9-14



Kinirajan La Erkeri-kerin



Kerajaan Israel nggo runtuh, bangsa Israel enggo i pembuangan, i Babil. Mesui kel atena. Sanga i teruh pimpinen raja Belsyasar, Daniel ndatken nipi. I bas nipi Daniel, idahna reh me sekalak si kundul i bas kursi kinirajan, e me Dibata si erdolat. KerehenNa menaken kerna pengadilen sierpalasken kinibujuren arah kitab-kitab sinuratken kegeluhen jelma manusia. I bas pengadilen e, binatang si empat lambang kuasa doni iukum. Ia ibenterken ku bas api. Kenca si e lit sinusur sekalak i langit nari tare embun, ibereken Dibata man baNa kuasa, kehamaten ras kuasa kinirajan. Kerina sinasa lit i babo doni enda nembah man bana. Anak manusia e me Jesus Kristus.

Man Jesus Kristus ibereken me kerajan si la erkeri-kerin. Adi kerajan Israel ras kerajan-kerajan si lit bas doni enda, banci masap, tapi kerajan Tuhan Yesus la erkeri-kerin. Jadi, kata Dibata sendah enda desken sada pengapul man banta, gelah ula ernalem man doni enda. Sabap subuk doni enda, singianisa ras kerina isina banci jadi musuh man banta. Ernalemlah man Jesus janah adi sedekah enda kita nggo namaken peratenNa i babo sura-suranta, tetaplah ukurta. Kai pe si terjadi ulanai monce ukurta. Lit gia ancamen, bahaya, bencana si inanami kita, tangkas kerina i bas Tuhan, kinitekenta man baNa si mulahi kita i bas kerina kiniseran e.

Kerajan si la erkeri-kerin e labo sada ingan secara fisik. Tapi kerajan si la erkeri-kerin e e me kerna kebenaran, dame ras keriahen ukur. Makeken kebenaran, dame ras kemalemen ate sirehna i bas Dibata nari maka kinitekenta turah dengen erbuah i bas geluhta. Kedungenna labo perbeben e si ngkuasai kita, tapi erkiteken kita anggota kerajan si la erkeri-kerin kita ngkuasai situasi geluh e, maka kita jadi sipermenang.

